


Ligji për Buxhet 2022:

Favorizimet dhe diskriminimet e komunave në investime kapitale



Ligji për Buxhet 2022:
favorizimet dhe diskriminimet e
komunave në investime kapitale

Maj 2022

— Përmbajtja

Përmbledhje ekzekutive	3
Buxheti për ministri dhe komuna sipas Ligjit të buxhetit 2022	4
Investimet kapitale të Ministrive në Komuna	7

Deklaratë mohimi:

Ky publikim është përgaditur me kërkesë të UNDP-së, përmes projektit Mbështetje në Përpjekjet Kundër- Korrupsionit në Kosovë (SAEK) III, me mbështetjen financiare të Agjencisë Zvicerane për Zhvillim dhe Bashkëpunim (SDC) dhe Agjencisë Suedeze për Zhvillim dhe Bashkëpunim Ndërkombëtar (SIDA), për të promovuar transparencën institucionale dhe buxhetore dhe llogaridhënien. Përmbajtja e këtij publikimi është përgjegjësi e vetme e Institutit GAP dhe nuk pasqyron domosdoshmërisht pikëpamjet e UNDP-së në Kosovë, SDC dhe SIDA.

Mbështetur nga:



Schweizerische Eidgenossenschaft
Confédération suisse
Confederazione Svizzera
Confederaziun svizra

Swiss Cooperation Office Kosovo



Sweden
Sverige

Përmbledhje ekzekutive

Qëllimi i këtij raporti është të analizojë shprehendajen e projekteve kapitale të ministrive nëpër komuna si dhe të tregohet nëse ka pasur favorizim apo diskriminim për komuna në baza partiake. Kuvendi i Republikës së Kosovës më 17 dhjetor 2021 ka aprovuar Ligjin për Buxhetin e vitit 2022.¹ Buxheti i Kosovës për vitin 2022 sipas Ligjit të Buxhetit do jetë 2.7 miliardë euro, rreth 8% apo 205 milionë euro më i lartë se buxheti i rishikuar i vitit 2021.

Nga buxheti total i ministrive, rreth 515 milionë euro janë planifikuar në projekte kapitale nga të cilat, rreth 97 milionë euro (19%) do të investohen në 33 komuna. Në Ligjin për Buxhet nuk jepen shpjegime për kriteret që aplikohen kur vendoset për investimet e nivelit qendror në komuna. Rreth 49.5 milionë euro (51%) të investimeve të ministrive në komuna do të mbulohen nga Ministria e Mjedistit, Planifikimit Hapësinor dhe Infrastrukturës (MMPHI).

Si rezultat i vazhdimit të projekteve të mëhershme, në Buxhetin 2022 kishte pak hapësirë për projekte të reja. Mbi 86.8 milionë euro apo 89% e projekteve të ministrive në komuna janë vazhdim i viteve të kaluara, ndërsa rreth 10.3 milionë euro janë projekte të reja. Gjatë vitit 2022 komunat të cilat do të përfitojnë më shumë nga investimet e reja janë Prizreni (rreth 1.9 milionë euro), Prishtina (rreth 1.5 milionë euro), Podujeva (rreth 1.2 milionë euro) dhe Gjakova (1 milion euro).

Në bazë të Buxhetit 2022, njësoj si në vitin e kaluar, komuna e Junikut dhe Deçanit ishin përfitueset më të mëdha në raport me përqindjen e investimeve kapitale krahas popullsisë. Ndërsa, komunat sikurse ajo e Shtërpçës dhe Graçanicës përfituan më pak investime. Gjithashtu, vlen të ceket se Komuna e Junikut mbetet komuna më e privilegjuar, me 122.74 euro investime kapitale të ministrive për kokë banori, ndërsa Komuna e Graçanicës mbetet si komuna me investimet kapitale më të ulta për kokë banori, përkatësisht me shumën 4.11 euro. Në përgjithësi diskrepanca mes investimeve të ministrive drejt komunave në këtë vit është më e ulët sesa në vitin e kaluar.

Ndërsa, projektet e ministrive në komuna në vlerë rreth 10.3 milionë euro të cilat fillojnë në vitin 2022, do të shprehendajen në 20 komuna. Në raport me përqindjen e investimeve kapitale krahas popullsisë, Komuna e Kamenicës renditet e para me 27 euro investime për kokë banori. Pas saj radhiten Komuna e Vitisë me 15.65 euro dhe e Podujeves me 14.54 euro.

¹ Kuvendi i Republikës së Kosovës në seancën plenarë, të mbajtur më 17 dhjetor 2021, miratoi Ligjin mbi Ndarjet Buxhetore për vitin 2022. Burimi: <https://bit.ly/3Jh84WU>

Buxheti për ministri dhe komuna sipas Ligjit të buxhetit 2022

Nga buxheti vjetor prej rreth 2.7 miliardë euro për vitin 2022, institucionet qendrore dhe të pavarura pritët të menaxhojnë me 2.1 miliardë euro apo 79% të buxhetit ndërsa komunat me 560 milionë euro apo 21% të buxhetit.² Krahësuar me buxhetin e rishikuar të vitit 2021, buxheti në vitin 2022 është rritur për 8% apo mbi 205 milionë euro.³


Gjatë vitit 2022 buxheti për ministrinë është planifikuar të jetë 1.8 miliardë euro, rreth 185 milionë euro apo 11% më i lartë se buxheti i rishikuar 2021. Gjithsej buxheti i 15-të ministrive përbën 67% të buxhetit të përgjithshëm, apo 85% të buxhetit të nivelit qendror. Tri ministrinë me buxhetin më të lartë për vitin 2022 janë: Ministria e Financave, Punës dhe Transfereve me rreth 918 milionë euro (51% e buxhetit të ministrive), Ministria e Mjedisit, Planifikimit Hapësinor dhe Infrastrukturës me rreth 237 milionë euro (13 % e buxhetit të ministrive) dhe Ministria e Punëve të Brendshme dhe Administratës Publike me rreth 173 milionë euro (10% e buxhetit të ministrive). Kurse, ministrinë më buxhetin më të ulët për 2022 janë: Ministria e Administrimit të Pushtetit Lokal me rreth 7 milionë euro, Ministria për Komunitete dhe Kthim me 4.4 milionë euro dhe Ministria e Zhvillimit Rajonal me 4.2 milionë euro.

Krahësuar me buxhetin e rishikuar të vitit 2021, gjatë vitit 2022 është planifikuar rritje e buxhetit për Ministrinë e Mbrojtjes për 42% apo 30.1 milionë euro, për Ministrinë e Financave, Punës dhe Transfereve për 22% apo 165 milionë euro, për Ministrinë e Mjedisit, Planifikimit Hapësinor dhe Infrastrukturës për 18% apo rreth 37 milionë euro dhe për Ministrinë e Punëve të Brendshme dhe Administratës Publike për 17% apo 25 milionë euro. Kurse, ministrinë për të cilat është planifikuar ulje e buxhetit për 2022 në krahasim me buxhetin e rishikuar të vitit 2021 janë: Ministria e Shëndetësisë për 57.2 milionë euro (49% më pak). Ministria e Drejtësisë rreth 10 milionë euro (25% më pak), Ministria e Industrisë, Ndërmarrësisë dhe Tregtisë për 15.1 milionë euro (48% më pak) dhe Ministria e Ekonomisë për 8.3 milionë euro (20% më pak).

² Kuvendi i Kosovës. Ligji mbi ndarjet buxhetore për buxhetin e Republikës së Kosovës për vitin 2022.


Burimi: <https://bit.ly/3jlsNOt>

³ Ministria e Financave. Ligji për ndryshim dhe plotësim mbi ndarjet buxhetore për buxhetin e Republikës së Kosovës për vitin 2021. Burimi: <https://bit.ly/372yPBd>

Figura 1. Buxheti i ministrive në vitin 2021 dhe 2022

Burimi: Instituti GAP duke përdorur të dhënat nga MEPT

Projektet kapitale përbëjnë 28% të buxhetit të ministrive, ndërsa pjesën tjetër e përbëjnë shpenzimet rrjedhëse, si: subvencionet dhe transferet rreth 846 milionë euro (47%), paga dhe mëditje mbi 229 milionë euro (13%), mallra dhe shërbime rreth 205 milionë euro (11%), shpenzime komunale rreth 12.3 milionë euro (1%) dhe 400 mijë euro rezervat (0.02 %). Në buxhetin e vitit 2022, krahas buxhetit të rishikuar 2021, parashihet rritje prej 13% apo 26.4 milionë euro për paga dhe mëditje; rritje për 7% apo rreth 14.2 milionë euro për mallra dhe shërbime; rritje për 3% apo rreth 27.5 milionë euro për subvencione dhe transfere. Ndërsa, në vitin 2021 rezervat ishin 21 milionë euro kurse tani janë ulur për 98% (20.6 milionë euro më më pak).


Figura 2. Shpenzimet rrjedhëse dhe kapitale të ministrive

Burimi: Instituti GAP duke përdorur të dhënat nga MEPT

Në vitin 2022, buxheti për 38 komunat do të jetë mbi 560.3 milionë euro apo rreth 10.7 milionë euro (2%) më i lartë se buxheti i rishikuar i viti 2021. Komuna me buxhetin më të lartë për vitin 2022 do të jetë Komuna e Prishtinës me rreth 90.7 milionë euro. Ndërsa, komuna me buxhetin më të ulët do të jetë Komuna e Novobërdës me rreth 342 mijë euro. Sipas planifikimeve, në vitin 2022 granti i përgjithshëm, i cili përbën 85% të të hyrave komunale, është rreth 5 milionë euro (1%) më i lartë se në vitin 2021, ndërsa të hyrat vetanake që përbëjnë 15% të të hyrave komunale janë planifikuar të rriten rreth 8 milionë euro (10%).


Rreth 148 milionë euro apo 26% e buxhetit të komunave për vitin 2022 do të ndahet për për shpenzime kapitale. Ndërsa, rreth 397.1 milionë euro apo 71% e buxhetit të komunave në vitin 2022 pritet të ndahen për shpenzimet rrjedhëse dhe rreth 15 milionë euro apo 3% për rezerva. Krahasuar me buxhetin e rishikuar 2021, në vitin 2022 do të kemi rritje të buxhetit në kategorinë e shpenzimeve kapitale të komunave për 5% apo rreth 7 milionë euro. Rritje të buxhetit do të ketë edhe për kategorinë mallra dhe shërbime për 4% apo rreth 3.5 milionë euro, për subvencione dhe transfere (8%) apo 1.4 milionë euro. Ndërsa, ulje të buxhetit do të ketë në kategoritë paga dhe mëditje për 1% apo 4.1 milionë euro dhe shpenzime komunale për 4% apo 504.2 mijë euro. Rezervat rriten për 34% apo rreth 4 milionë euro.

Figura 3. Burimet kryesore të financimit të komunave



Burimi: Instituti GAP duke përdorur të dhënat nga MFPT

Figura 4. Shpenzimet sipas kategorive ekonomike në komuna



Burimi: Instituti GAP duke përdorur të dhënat nga MFPT


Investimet kapitale të Ministrive në Komuna

Nga gjithsej 1.8 miliardë euro sa është buxheti i ministritve për vitin 2022, rreth 515 milionë euro janë planifikuar të shpenzohen në projekte kapitale për qëllim të zhvillimit ekonomik, nga të cilat, rreth 97 milionë euro (19%) do të investohen në 33 komuna. Në Ligjin për Buxhet nuk jepen shpjegime për kriteret që aplikohen kur vendoset për investimet e nivelit qendror në komuna. Rreth 49.5 milionë euro apo 51% e investimeve të ministrive në komuna do të mbulohet nga Ministria e Mjedistit, Planifikimit Hapësinor dhe Infrastrukturës (MMPHI).

Buxheti i projekteve kapitale për shumicën e ministrive gjatë këtij viti është planifikuar të jetë më i lartë, si rrjedhojë edhe investimet e ministrive në komuna për vitin 2022 pritet të jenë më të larta.

Krahasuar me projekt buxhetin 2021, gjatë këtij viti projektet kapitale të ministrive në komuna janë planifikuar të jenë rreth 4 milionë euro më të larta (nga 93 milionë euro⁴ në rreth 97 milionë euro). Ministrinë me buxhet me të lartë të projekteve kapitale në 2022 janë Ministria e Mjedistit, Planifikimit Hapësinor dhe Infrastrukturës me rreth 209 milionë euro apo 30.3 milionë euro (17%) më shumë krahasuar me 2021, Ministria e Financave, Punës dhe Transfereve me rreth 105 milionë euro (54.3 milionë euro nga klauzaola e investimeve) apo rreth 80 milionë euro (321%) më shumë se në 2021, Ministria e Mbrojtjes me 55.2 milionë euro apo 8.6 milionë euro (62%) më shumë se në 2021.

Figura 5. Investimet kapitale të ministrive




Burimi: Instituti GAP duke përdorur të dhënat nga MEPT

⁴ Instituti GAP. Projektbuxheti 2021: favorizimet dhe diskriminimet e komunave në investime kapitale.
Burimi: <https://bit.ly/37ssEGq>

Komunat të cilat pritet të përfitojnë më shumë (për nga shuma) nga buxheti i ministrive për investime kapitale gjatë vitit 2022 janë Komuna e Ferizajt (10.7 milionë euro), Prishtinës (8.7 milionë euro), Prizrenit (8.6 milionë euro) dhe Gjakovës (8.6 milionë euro). Ndërsa, nëse i analizojmë për nga investimet për kokë banori, përfituese më të medha janë komuna e Junikut, Deçanit, Mitrovicës dhe Ferizajt.

Figura 6. Investimet kapitale të disa ministrive në komuna



Burimi: Instituti GAP duke përdorur të dhënat nga MFPT

Projekti me shumën më të madhe që planifikohet të investohet nga ministrinë në komuna është në vlerë 2.5 milionë euro nga Ministria e Mjedisit, Planifikimit Hapësinor dhe Infrastrukturës në Komunën e Gjakovës. Projekte të tjera me vlerë të përafërt janë ndërtimi shtesë pranë ndërtesës së Agjencia e Kosovës për Inteligjencë (2.4 milionë euro) në Fushë Kosovë nga Ministria e Punëve të Brendshme, Riparimi i rrugës rajonale R115 në Prizren (2 milionë euro) nga Ministria e Mjedisit, Planifikimit Hapësinor dhe Infrastrukturës, Renovimi i Stadiumit Adem Jashari në Mitrovicën e Jugut (1.6 milionë euro).


Tabela 1. Disa nga projektet investive me buxhetin më të lartë

Projekti	Komuna	Viti i fillimit të projektit	Shuma
Zgjerimi i rrugës Dollc –Gjakovë- MMPHI	Gjakovë	2018	€ 2,500,000
Ndërtimi i ndërtesave percjellse AKI – MPB	Fushë Kosovë	2013	€ 2,409,068
Riparimi i rrugës rajonale R115 – MMPHI	Prizren	2017	€ 2,000,000
Renovimi i stadiumit „Adem Jashari” – MKRS	Mitrovicë e J.	2012	€ 1,600,000
Renovimi i stadiumit të qytetit – MKRS	Gjilan	2016	€ 1,500,000

Burimi: Instituti GAP duke përdorur të dhënat nga MFPT


Si rezultat i vazhdimit të projekteve të mëhershme, qeveria aktuale edhe këtë vit ka pasur më pak hapësirë për projekte të reja. Mbi 86.6 milionë euro apo 89% e projekteve të ministrive në komuna janë vazhdim i viteve të kaluara, ndërsa rreth 10.3 milionë euro janë projekte të reja. Gjatë vitit 2022 komunat të cilat do të përfitojnë më shumë (për nga shuma) nga investimet e reja janë Prizreni (rreth 1.9 milionë euro), Prishtina (rreth 1.5 milionë euro), Podujeva (rreth 1.2 milionë euro) dhe Gjakova (1 milion euro).

Sipas Ligjit të buxhetit 2022, më shumë se gjysma e këtyre projekteve kanë nisur në vitin 2018 dhe 2019. Ndërsa, janë ndarë 200 mijë euro për projektin 'ngritje e infrastrukturës së re dhe renovimi i objekteve ekzistuese për Universitetin e Prizrenit' i cili rezulton të ketë filluar 11 vite më parë.


Figura 7. Projektet kapitale nga ministritë në komuna bazuar në vitin kur kanë filluar

Burimi: Instituti GAP duke përdorur të dhënat nga MFPT

Sipas funksionit, ministritë kanë planifikuar të investojnë në çështje ekonomike (afaltimin, ndertimin, rregullimin dhe zgjerimin e rrugëve) të komunave rreth 41 milionë euro (projekte të reja: 3 milionë euro), në arsim rreth 18 milionë euro (projekte të reja: 965 mijë euro), në rekreacion, kulturë dhe religjion rreth 15.2 milionë euro (projekte të reja: rreth 1.7 milionë euro). Ndërsa, më pak janë ndarë për banim dhe mbrojtje sociale. Në kuadër të projekteve të reja të ministrive në komuna, prioritet janë edhe shërbimet e përgjithshme publike me 2.7 milionë euro, kurse më pak buxhet (430 mijë euro) janë ndarë për mbrojtje sociale.

Figura 8. Figura 8: Projektet kapitale nga ministritë në komuna sipas funksionit (96.9 milionë euro)


Burimi: Instituti GAP duke përdorur të dhënat nga MFPT

Figura 9. Projektet e reja sipas funksionit (10.3 milionë euro)

Burimi: Instituti GAP duke përdorur të dhënat nga MFPT

Në bazë të të dhënave mund të themi se njësoj si në vitin e kaluar (2021), komuna e Junikut dhe Deçanit ishin përfitueset më të mëdha në raport me përqindjen e investimeve kapitale krahas popullsisë. Ndërsa, komunat sikurse ajo e Shtërpçës dhe Graçanicës përfituan më pak investime. Komuna e Junikut mbetet komuna më e privilegjuar me investimet nga niveli qendror (ministritë), apo 122.74 euro investime për kokë banori, ndërsa Komuna e Graçanicës mbetet si komuna me investimet kapitale më të ulta për kokë banori, përkatësisht me shumën 4.11 euro. Në përgjithësi diskrepanca mes komunave që përfitojnë investime të ministrive këtë vit është më e ulët sesa në vitin e kaluar.

Figura 10. Investimet meastare të ministrive në komuna për kokë banori (sipas subjektit politik)



Burimi: Instituti GAP duke përdorur të dhënat nga MFPT

Figura 11. Investimet e ministrive në komuna për kokë banori (€)




Tabela 2. Investimet e ministrive në komuna

Komuna	Investimet për kokë banori (%)	Subjekti politik	Popullsia (%)	Sipërfaqja (%)	Investimet për kokë banori (në euro)
Ferizaj	5.83	PDK	5.91	3.17	€ 101.24
Prishtinë	2.30	LDK	12.16	4.72	€ 39.91
Prizren	2.55	PDK	10.82	5.53	€ 44.38
Gjakovë	5.26	AAK	5.25	5.39	€ 91.46
Mitrovicë	5.99	PDK	3.86	3.04	€ 104.02
Pejë	3.77	LDK	5.49	5.53	€ 65.48
Gjilan	4.21	VV	4.27	3.60	€ 73.19
Deçan	6.37	AAK	2.37	2.72	€ 110.65
Istog	5.25	LDK	2.29	4.17	€ 91.26
Fushë Kosovë	4.81	LDK	2.19	0.76	€ 83.49
Drenas	3.08	PDK	3.41	2.53	€ 53.57
Rahovec	3.24	AAK	3.17	2.55	€ 56.37
Suharekë	3.15	AAK	3.22	3.31	€ 54.76
Lipjan	2.76	LDK	3.23	3.10	€ 47.90
Podujevë	1.62	VV	4.58	5.81	€ 28.11
Vushtrri	2.09	PDK	3.49	3.17	€ 36.37
Kamenicë	4.70	VV	1.55	3.89	€ 81.66
Viti	1.77	LDK	2.67	2.48	€ 30.71
Malishevë	1.25	NISMA	3.17	2.81	€ 21.80
Skënderaj	1.16	PDK	2.95	3.43	€ 20.17
Klinë	1.28	AAK	2.25	2.83	€ 22.18
Hani i Elezit	4.56	PDK	0.56	0.76	€ 79.27
Junik	7.06	LDK	0.35	0.68	€ 122.74
Dragash	1.12	LDK	1.89	3.95	€ 19.42
Kaçanik	1.00	PDK	1.93	1.94	€ 17.45
Obiliq	1.87	IQO	1.01	0.96	€ 32.45
Shtime	1.20	VV	1.52	1.23	€ 20.85
Novobërdë	3.23	LS	0.40	1.87	€ 56.11
Mitrovicë Veriore	1.49	LS	0.67	0.05	€ 25.85
Ranillug	4.62	LS	0.21	0.63	€ 80.32
Zveçan	0.63	LS	0.41	1.13	€ 10.97
Shtërpçë	0.53	LS	0.37	2.28	€ 9.25
Graçanicë	0.24	LS	0.68	1.20	€ 4.11
Partesh	0.00	LS	0.09	0.27	€ 0.00
Klllokot	0.00	LS	0.15	0.21	€ 0.00
Zubin Potok	0.00	LS	0.37	3.06	€ 0.00
Mamushë	0.00	KDPT	0.33	0.29	€ 0.00
Leposaviq	0.00	LS	0.73	0.05	€ 0.00

Burimi: Instituti GAP duke përdorur të dhënat e Buxhteit 2022, ASK dhe MAPL

Komunat e qeverisura nga AAK (Gjakova, Deçani, Suhareka, Rahoveci dhe Klina) përfshijnë rreth 16% të popullsisë dhe zënë 16.81% të sipërfaqes së Kosovës. Nga totali prej 96.9 milionë euro investime kapitale të nivelit qendrorë në komuna, 28.8% do t'i përkasin komunave që menaxhohen nga kjo parti. Investimet mesatare për kokë banori te këto komuna janë 95.56 euro. Ndërsa, në nivel të ministrive, parashihet që MASHTI të investojë 33.78% të projekteve të saj kapitale te këto komuna, MBPZHR do të investojë 100% të projekteve të saj kapitale te komunat e udhëhequra prej AAK-së, MFPT 28.57%, MKRS 13.76%, MMPHI 26.92%, si dhe MPB e cila do të investojë 3.61% të mjeteve të saj të ndara për projekte kapitale nëpër komuna.

Komunat e qeverisura nga LDK (Prishtina, Peja, Lipjani, Istogu, Vitia, Fushë Kosova, Juniku dhe Dragashi) përfshijnë rreth 30% të popullsisë dhe zënë 25.38% të sipërfaqes së Kosovës. Nga totali prej 96.9 milionë euro investime kapitale të nivelit qendror nëpër komuna, 21.25% do t'i përkasin komunave që menaxhohen nga kjo parti. Investimet mesatare për kokë banori te këto komuna janë 37.88 euro. Ndërsa, në nivel të ministrive, parashihet që MASHTI të investojë 18.82% të projekteve të saj kapitale te këto komuna, MD 57.86%, ME 60.27%, MFPT 28.57%, MKRS 27.80%, MMPHI 23.61%, MPB 60.14%, si dhe MSH e cila do të investojë 24.36% të mjeteve të saj të ndara për projekte kapitale nëpër komuna.

Komunat e qeverisura nga PDK (Ferizaji, Mitrovica, Prizreni, Skënderaj, Vushtrria, Drenasi dhe Kaçaniku) përfshijnë rreth 32% të popullsisë dhe zënë 22.80% të sipërfaqes së Kosovës. Nga totali prej 96.9 milionë euro investime kapitale të ministrive nëpër komuna, 35.71% do t'i përkasin komunave që menaxhohen nga kjo parti. Investimet mesatare për kokë banori te këto komuna janë 58.52 euro. Ndërsa, në nivel të ministrive, parashihet që MASHTI të investojë 30.49% të projekteve të saj kapitale te këto komuna, Ministria e Ekonomisë 39.72%, MFPT 42.85%, MKRS 44.01%, MMPHI 32.04%, MPB 32.57%, si dhe MSH e cila do të investojë 75.63% të mjeteve të saj të ndara për projekte kapitale nëpër komuna.


Komunat e qeverisura nga VV (Gjilani, Kamenica, Podujeva dhe Shtimja) përfshijnë rreth 11% të popullsisë dhe zënë 14.52% të sipërfaqes së Kosovës. Nga totali prej 96.9 milionë euro investime kapitale të nivelit qendror nëpër komuna, 11.11% do t'i përkasin komunave që menaxhohen nga kjo parti. Investimet mesatare për kokë banori te këto komuna janë 50.29 €. Ndërsa, në nivel të ministrive, parashihet që Ministria e Arsimit, Shkencës, Teknologjisë dhe Inovacionit të investojë 12.06% të projekteve të saj kapitale te këto komuna, MD 42.13%, MINT do të investojë 100% të projekteve të saj kapitale te komunat e udhëhequra prej VV-së, MKRS 13.39%, si dhe MMPHI e cila do të investojë 13.74% të mjeteve të saj të ndara për projekte kapitale nëpër komuna.

Edhe pse LS udhëheq më së shumti komuna në Kosovë (gjithsej dhjetë komuna), për shkak të numrit të vogël të popullsisë, përkatësisht vetëm 4.07% të popullsisë totale të vendit, numri i investimeve kapitale të ministrive në këto komuna është vetëm 1.24% e shumës totale prej 96.9 milionë euro. Ndërsa, në nivel të ministrive, parashihet që MKRS të investojë 0.42% të mjeteve të saj të ndara për projekte kapitale nëpër komuna.

Komuna e vetme e udhëhequr nga NISMA, Malisheva përfshin 3.17% të popullsisë së përgjithshme dhe zë 2.80% të sipërfaqes së Kosovës. Nga totali prej 96.9 milionë euro të investimeve kapitale të ministrive në këto komuna, 1.28% do t'i përkasin kësaj komune, që nënkuptojnë 21.80 euro investime për kokë banori. Ku, parashihet që MASHTI të investojë 4.82% të projekteve të saj kapitale te kjo komunë, si dhe MKRS e cila do të investojë 0.60% të mjeteve të saj të ndara për projekte kapitale nëpër komuna.

Tek Komuna e Obiliqit e cila udhëhiqet nga Iniciativa Qytetare për Obliqin e cila përfshin 1.01% të popullsisë dhe zë 0.96% të sipërfaqes së Kosovës, shuma e investimeve kapitale të ministrive do të jetë 0.60% e vlerës së përgjithshme prej 96.9 milionë eurove, përkatësisht 589,363.00 euro në të cilat përfshihen dy projekte të financuara nga MMPHI, përkatësisht 1.19% të mjeteve të saj të ndara për projekte kapitale nëpër komuna.

Figura 12. Projektet e reja të ministrive në komuna sipas subjektit politik



Burimi: Instituti GAP duke përdorur të dhënat nga MFPT

Projekte kapitale të ministrive në komuna të cilat janë paraparë të fillojnë në vitin 2022 janë në vlerë rreth 10.3 milionë euro dhe do të shpërndahen në 20 komuna. Në raport me përqindjen e investimeve kapitale krahas popullsisë, Komuna e Kamenicës (e udhëhequr nga VV) renditet e para me 27 euro investime për kokë banori. Pas saj radhiten Komuna e Vitisë (e udhëhequr nga LDK) me 15.65 euro dhe e Podujevës (e udhëhequr nga VV) me 14.54 euro.


Tabela 3. Investimet e reja të ministrive në komuna

Komuna	Investimet e reja (‘000 €)	Investimet e reja për kokë banori (%)	Subjekti politik	Popullsia(%)
Deçan	36	1%	AAK	2%
Drenas	100	1%	PDK	3%
Ferizaj	385	2%	PDK	6%
Fushë Kosovë	400	6%	LDK	2%
Gjakovë	1000	7%	AAK	5%
Gjilan	478.2	4%	VV	4%
Hani i Elezit	100	6%	PDK	1%
Istog	58	1%	LDK	2%
Junik	65	6%	LDK	0%
Kamenicë	750	17%	VV	2%
Mitrovicë	395	4%	PDK	4%
Podujevë	1195	9%	VV	5%
Prishtinë	1460	4%	LDK	12%
Prizren	1850	6%	PDK	11%
Rahovec	200	2%	AAK	3%
Shtime	200	5%	VV	2%
Skënderaj	190	2%	PDK	3%
Viti	750	10%	LDK	3%
Vushtrri	629	6%	PDK	3%
Zveqan	30	3%	LS	0%

Burimi: Instituti GAP duke përdorur të dhënat nga MFPT

Buxheti në nivel
QENDROR
2,1 miliardë €

Buxheti në nivel
LOKAL
560,3 milionë €



Burimi: Instituti GAP duke përdorur të dhënat nga MFPT

Instituti GAP është think-tank i themeluar në tetor të vitit 2007 në Kosovë. Qëllimi kryesor i GAP-it është të tërheqë profesionistë për të krijuar një ambient të zhvillimit dhe hulumtimit profesional, që haset në institucione të ngjashme në shtetet perëndimore. Kjo gjithashtu u ofron mundësi kosovarëve për hulumtimin, zhvillimin dhe implementim e projekteve me qëllim të avancimit të shoqërisë kosovare. Prioritet për këtë Institut është mobilizimi i profesionistëve në adresimin e sfidave ekonomike, politike dhe sociale të vendit. Qëllimet kryesore të GAP-it janë të plotësojë zbrazëtitë mes qeverisë dhe qytetarëve, si dhe të plotësojë zbrazëtitë në mes të problemeve dhe zgjidhjeve.

www.institutigap.org

Rr. Sejdi Kryeziu, Blloku 4, Nr.4,
10000 Prishtinë

+381 38 609 339

info@institutigap.org

Ky projekt mbështetet
nga:



Schweizerische Eidgenossenschaft
Confédération suisse
Confederazione Svizzera
Confederaziun svizra

Swiss Cooperation Office Kosovo



Sweden
Sverige

